

摘藻堂四庫全書薈要

集部

欽定四庫全書叢要

集部

御選歷代詩餘卷

三十一

詳校官編修臣汪鏞

欽定四庫全書薈要

御選歷代詩餘卷三十目錄

五十
六字

虞美人

南唐李煜

二首

馮延巳

二首

晏幾道

八首

張先

二首

蘇軾

六首



黃庭堅
二首

秦觀
三首

晁補之
三首

陳師道

李豸

毛滂
三首

舒亶
三首

趙令時

蘇庠

葛勝仲

周紫芝
三首

謝逸
三首

周邦彥
六首

陳克
二首

何臬

王安中
二首

向子諲

四首

蔡伸

二首

葉夢得

二首

徐俯

陳與義

趙長卿

呂本中

曾覲

范成大 二首

陳三聘 四首

程垓

洪适

吳儆 三首

趙彥端 三首

王千秋 三首

陳亮

張槃 三首

方千里 二首

楊澤民 二首

沈端節 三首

蔣捷 二首

吳文英

張炎 二首

石孝友

趙君舉

王文甫

林正大

葛長庚

趙攄

李宴

元好問

趙孟頫 二首

蕭允之

劉天迪

張翥

王行

二首

劉基

吳子孝

周用

王錫爵

王世貞

吳鼎芳

陳子龍

沈鍾鶴

沈宜修

葉小鸞

御選歷代詩餘卷三十目錄

欽定四庫全書薈要卷二萬七百八

集部

御選歷代詩餘卷三十

五十六字

虞美人

雙調五十六字與桃源憶故人之別名虞美人影者無涉

虞美人

南唐李煜

風迴小院蕪綠柳眼春相續
凭闌半日獨無言依舊
竹聲新月似當年
笙歌未散尊罍在池面
冰初解燭
明香暗畫樓深滿
鬢清霜殘雪思難任

前調

南唐李煜

春花秋月何時了，往事知多少。
小樓昨夜又東風，故國不堪回首月明中。
雕闌玉砌應猶在，只是朱顏改。
問君能有幾多愁，恰似一江春水向東流。

前調

馮延巳

玉鈎鸞柱調鸚鵡，宛轉留春語。
雲屏冷落畫堂空，薄晚春寒無奈落花風。
寒簾燕子低飛去，拂鏡塵鸞舞不。
知今夜月，看彎誰佩同心雙結，倚闌干。

前調

馮延巳

春山淡淡橫秋水掩映遙相對祇知長作碧牕期誰信
東風吹散彩雲飛銀屏夢與飛鸞遠祇有珠簾捲楊
花零落月溶溶塵掩玉箏絃柱畫堂空

前調

晏幾道

閒敲玉鐙隨堤路一笑開朱戶素雲凝淡月嬋娟門外
鴨頭春水木蘭船吹花拾蕊嬉遊慣天與相逢晚一
聲長笛倚樓時應恨不題紅葉寄相思

前調

晏幾道

飛花自有牽情地不向枝邊墜隨風飄蕩已堪愁更伴
東溪流水過秦樓樓中翠黛含春怨閒倚闌干徧自
彈雙淚惜香紅暗恨玉顏光景與花同

前調

晏幾道

曲闌干外天如水昨夜還曾倚初將明月比佳期長向
月圓時候望人歸羅衣著破前香在舊意誰教改一
春離恨嬾調絃猶有兩行閒淚寶箏前

前調

晏幾道

疎梅月下歌金縷憶共文君語更誰情淺似春風一夜
滿枝新綠替殘紅蘋香已有蓮開信兩槳佳期近採
蓮時節定來無醉後滿身花影倩人扶

前調

晏幾道

玉簫吹徧煙花路小謝經年去更教誰畫遠山眉又似
陌頭風細惱人時時光不解年年好葉上秋聲早可
憐蝴蝶易分飛只有杏梁雙燕每來歸

前調

晏幾道

秋風不似春風好一夜金英老更誰來凭曲闌干惟有
鴈邊斜月照關山雙星舊約年年在笑盡人情改有
期無定是無期說與小雲新恨也低眉

前調

晏幾道

濕紅箋紙迴文字多少柔腸事去年雙燕欲歸時還是
碧雲千里錦書遲南樓風月長依舊別恨無端有倩
誰橫笛倚危闌今夜落梅聲裏怨關山

前調

晏幾道

一絃彈盡仙韶樂，曾破千金學。
玉樓銀燭夜深深，愁見曲中雙淚落。
千金從來不奈離聲怨，幾度朱絃斷。
未知誰解賞新音，長是好風明月暗知心。

前調

述古移南郡

張先

恩如明月家家到，無處無清照。
一帆秋色共雲遙，眼力不知人遠上江橋。
願君書札來雙鯉，古汴東流水。
宋王臺畔楚宮西，正是節趨歸路近沙堤。

前調

張先

苔花落盡汀風定
苔水天搖影
畫船羅綺滿
溪春一曲
石城清響入高雲
壺觴昔歲同歌笑
今日無年少
南園花少故人稀
月照玉樓依舊似當時

前調

琵琶

蘇軾

定場賀老今何在
幾度新聲改
新聲坐使舊聲闌
俗耳只知繁手不須彈
斷絃試問誰能曉
七歲文姬小
試教彈作鞞雷聲
應有開元遺老淚縱橫

前調

陳述古將代席上

蘇軾

湖山信是東南美，一望須千里。
使君能得幾回來，便使尊前醉倒且徘徊。
沙河塘裏燈初上，水調誰家唱。
夜闌風靜欲歸時，惟有一江明月碧琉璃。

前調

揚州別少游

蘇軾

波聲拍枕長淮曉，隙月窺人小。
無情汴水自東流，只載一船離恨向西州。
竹溪花浦曾同醉，酒味多於淚。
誰教風鑑在塵埃，醞造一場煩惱向人來。

前調

蘇軾

落花已作風前舞，又送黃昏雨。曉來庭院半殘紅，惟有
遊絲千丈，裊晴空。殷勤花下重攜手，更盡杯中酒。美
人不用斂歌眉，我亦多情，無奈酒闌時。

前調

蘇軾

深深庭院清明過，桃李初紅破。柳絲搭在玉闌干，簾外
瀟瀟微雨，做輕寒。晚晴臺榭增明媚，已判花前醉。更
闌人靜，月侵廊，獨自行來行去，好思量。

前調

蘇軾

持杯遙勸天邊月，願月圓無缺。
持杯更復勸花枝，且願花枝長在莫離披。
持杯月下花前醉，休問榮枯事。此歡能有幾人知？
對月逢花不飲待何時？

前調

至當塗呈郭功甫

黃庭堅

平生本愛江湖住，鷗鷺無人處。
江南江北水雲連，莫笑醺雞歌舞甕中天。
當塗樣棹蒹葭外，賴有賓朋在此身。
無路入修門，慚愧詩翁清些與招魂。

前調

宜州見
梅作

黃庭堅

天涯也有江南信，梅破知春近。
夜闌風細得香遲，不道曉來開徧向南枝。
玉臺弄粉花應妬，飄到睂心住。
平生箇裏願杯深，去國十年老盡少年心。

前調

秦觀

高城望斷塵如霧，不見聯驂處。
夕陽村外小灣頭，只有柳花無數送歸舟。
瓊枝玉樹頻相見，只恨離人遠。
欲將幽恨寄青樓，爭奈無情江水不西流。

前調

秦觀

碧桃天上栽和露不是凡花數
亂山深處水瀠洄可惜一枝如畫為誰開
輕寒細雨情何限不道春難管為君沉醉又何妨
祇怕酒醒時候斷人腸

前調

秦觀

行行信馬橫塘畔煙水秋平岸
綠荷多少夕陽中知為阿誰凝恨背西風
紅妝艇子來何處蕩槳偷相顧
鴛鴦驚起不無愁柳外一雙飛去却回頭

前調

廣陵
留別

晁補之

江南載酒平生事，遊宦如萍寄蓬山。
歸路傍銀臺還是揚州一夢，却驚回。
年年后土春來早，不負金尊倒。明年朱履賞春時，應寄瓊花一朵慰相思。

前調

荅秦
令

晁補之

荒城又見重陽到，狂醉還吹帽。
人生開口笑難逢，何況良辰一半別離中。
平臺朱履登高處，猶自懷人否。
且簪黃菊滿頭歸，惟有此花風韻似年時。

前調

代內

晁補之

梅花時候君輕去曾寄紅牋與胡麻好種少人知正是
歸時何處悞芳期誰教又作狂遊遠歸路楊花滿當
年不負瑣牕春老向長楸走馬更愁人

前調

陳師道

城南觀閣連雲起形像丹青裏使君笳鼓渡江來盡帶
江南春色放春回青春欲住風催去流水花無數尊
前獨自一番新只有玉樓明月記遊人

前調

李 多

玉闌干外清江浦渺渺天涯雨好風如扇雨如簾時見
岸花汀草漲痕添青林枕上關山路臥想乘鸞處碧
蕪千里思悠悠惟有霎時春夢到南州

前調

東園
賞花

毛 滂

遊人莫笑東園小莫問花多少一枝半朵惱人腸無限
娉姿媚媚倚斜陽二分春去知何處賴是無風雨更
將繡幕密遮花任是東風急性不由他

前調

毛滂

百花趕定東君去。知與花何處。陽春但更買花栽。留住蜂兒蝶子等君來。翠輕綠嫩庭陰好。醉便眠芳草。春波如酒不曾空。誰見東堂日日自春風。

前調

毛滂

柳枝却學腰肢袅。好似江東小。春風吹綠上眉峰。秀色欲流不斷眼波融。簷前月上燈花墮。風遞餘香過。小歡雲散已難收。到處冷煙寒雨為伊愁。

前調

寄公度

舒亶

芙蓉落盡天涵水，日暮滄波起。
背飛雙燕貼雲寒，獨向小樓東畔倚闌看。
浮生只合尊前老，雪滿長安道。
故人早晚上高臺，贈我江南春色一枝梅。

前調

欲雪

舒亶

酒邊陡覺羅衣暖，獨倚黃昏看。
寒鴉兩兩下樓東，著處暗雲垂地一重重。
紅爐歡坐誰能醉，多少看花意。
謝娘也擬殢春風，便送無端柳絮逼簾櫳。

前調

蔣園
醉歸

舒 亶

重簾小閣香雲暖
黛拂梳妝淺
玉簫一曲杜韋娘
誰是蘇州刺史
斷人腸
醉歸旋撥紅爐火
却倚屏山坐
銀釭明滅月橫斜
還是畫樓角送小梅花

前調

趙令時

畫船穩泛春波渺
夕雨寒聲小
紫煙深處數峰橫
驚起一灘鷗鷺
照川明
西樓今夜歸期悞
恨入闌干暮可堪
春事滿春懷
不似珠簾新燕早歸來

前調

次俞仲登韻

蘇庠

軍書未息梅仍破
穿市溪流過閒來無處不關情
一夜鳴榔急雨雜灘聲
飄零無復還山夢
雲屋春寒重山連積水水連空
溪上青蒲短短柳重重

前調

酬衛卿

葛勝仲

三年曾不窺園樹
辛苦螢牕暮怪來文譽滿清時
柿葉書殘猶自日臨池
春秋新學卑繁露
黃卷聊堪語家人不用寄龜詩
行看昇平樓外化龍歸

前調

西池見
梅作

周紫芝

短牆梅粉香初透，削約寒枝瘦。惱人知為阿誰開，還伴
冷煙疎雨，做愁媒。飄零苦恨春情薄，不管花開落。小
池疎影弄寒沙，何似玉樓鸞鏡對橫斜。

前調

食瓜

周紫芝

西園摘處香和露，洗盡南軒暑。莫嫌座上適來蠅，只恐
怕寒難近玉壺冰。井花浮翠金盆小，午夢初回了。詩
翁自是不歸來，不是青門無地可移栽。

前調

周紫芝

癡雲壓地風塵捲雪共春寒淺山城寒夜不燒燈時見
竹籬茅舍兩三星九衢風裏香塵擁十載鰲山夢如
今獨自倚冰檐落盡短檠紅燄不成眠

前調

謝逸

碧梧翠竹交加影角簾紗幙冷疎雲淡月媚橫塘一陣
荷花風起隔簾香鴈橫天末無消息水闊吳山碧刺
桐花上蝶翩翩惟有夜深清夢到郎邊

前調

謝逸

角聲吹散梅梢雪，疎影黃昏月落。英點點，拂闌干，風送清香滿院作輕寒。花蕊羯鼓催行酒，紅袖摻摻手曲聲未徹。寶杯空飲罷，香熏翠被，錦屏中。

前調

謝逸

風前玉樹鏘金韻，碧落佳期近。疎雲影裏鵲橋低，簷外一彎新月印修眉。星河漸曉，銅壺咽，又是經年別此情。曾與玉人知，引起舊家離恨，淚珠垂。

前調

周邦彥

燈前影去仍留戀腸斷朱扉遠不須紅雨洗香顚待得
薔薇花謝便歸來舞腰歌板閒時按一任傍人看金
爐應見舊殘煤曾遣恩情容易似寒灰

前調

周邦彥

廉纖小雨池塘徧細點開萍面一雙燕子守朱門比似
尋常時候易黃昏宜城酒泛浮春絮細作更闌語相
看羈思亂如雲又是一牕燈影兩愁人

前調

周邦彥

疎籬曲徑田家小
雲樹開秋曉
天寒山色有無中
野外一聲鐘起送孤蓬
添衣策馬尋亭堠
愁抱惟宜酒
菰蒲睡鴨占陂塘
縱被行人驚散又成雙

前調

周邦彥

淡雲籠月松溪路長
記分攜處
夢魂連夜遶松溪
此夜相逢恰似夢中時
海山陡覺風光好
莫惜金尊倒
柳花吹雪燕飛忙
生怕扁舟歸去斷人腸

前調

周邦彥

玉觴纔掩朱絃悄彈指壺天曉回頭猶認倚墻花只向
小橋南畔便天涯銀蟾依舊當牕滿顧影魂先斷淒
風休颭半殘燈擬倩今宵歸夢到雲屏

前調

周邦彥

金閨平帖春雲暝晝漏花前短玉顏酒解豔紅消一晌
捧心啼困不成嬌別來新翠迷行徑牕鎖玲瓏影研
綾小字夜來封斜倚曲闌凝睇數歸鴻

前調

陳克

小山戢戢盆池淺
芳樹陰陰轉紅闌
干上刺薔薇
蝴蝶飛來飛去兩三枝
繡裙斜立腰肢困
翠黛縈新恨
風流蹤跡使人猜
過了關雞時節
合歸來

前調

陳克

綠陰滿院簾垂地
落絮縈香砌
池光不定藥欄低
閒並一雙鷗鷺
沒人時
舊歡黯黯成香夢
帳冷金泥重
日虹斜處暗塵飛
脉脉小牕孤枕
鏡花移

前調

何 桌

分香幌子揉藍膩欲去殷勤惠重來約在牡丹時只恐
花枝相妬故開遲別來看盡閒桃李日日闌干倚催
花無計問東風夢作一雙蝴蝶繞芳叢

前調

贈李士美

王安中

清商初入昭華瑄宮葉秋聲滿草麻初罷月嬋娟想見
明朝喜色動天顏持杯滿勸龍頭客榮遇時方得詞
源三峽瀉瞿塘便是醉中宣去也無妨

前調

送權
朝美

王安中

文昌郎自文無比風露行千里試尋天上使星看却見
錦衣白晝過鄉關邊城落照孤鴻外聯璧人相對應
吟紅葉送清秋向我舊題詩處更重遊

前調

梅花

向子諲

江頭苦被梅花惱一夜霜須老誰將冰玉比精神除是
凌波却月見天真情高意遠仍多思只有人相似滿
城桃李不能春獨向雪花深處露花身

前調

向子諲

濛濛煙樹無重數不礙相思路晚雲分外欲增愁更那
堪聽疎雨送歸舟雨來還被風吹去隕淚多如雨擬
題雙葉問離憂怎得水隨人意肯西流

前調

向子諲

去年不到瓊花底蝶夢空相倚今年特地趁花來因甚
不教同醉過花開花知此恨年年有閒伴人春瘦一
枝和淚寄春風應把舊愁新怨入眉峰

前調

向子諲

去年雪滿長安樹坐斷揚州路今年看雪在揚州人在
蓬萊深處若為愁而今不恨伊相悞自恨來何暮平
山堂下舊嬉遊只有舞春楊柳似風流

前調

蔡伸

瑤琴一弄清商怨樓外桐陰轉月華澄淡露華濃寂寞
小池煙水冷芙蓉攀花擷翠當時事綠葉同心字有
人還解憶人無過盡寒沙新鴈甚無書

前調

蔡伸

飛梁石徑關山路慘淡秋容暮一行新鴈破寒空腸斷
碧雲千里水溶溶鸞衾欲展誰堪共簾幙霜華重鴨
爐香盡錦屏中幽夢今宵何許與君同

前調

上已

葉夢得

一聲鶗鴂催春晚芳草連空遠年年餘恨怨殘紅可是
無情容易愛隨風茂林修竹山陰道千載誰重到半
湖流水夕陽前猶有一觴一詠似當年

前調

葉夢得

數聲微雨風驚曉
燭影敲斜照客愁不奈五更寒
明日梨花開盡有誰看
追尋猶記清明近
為向花前問東風
正使解欺儂
不道花應有恨也匆匆

前調

徐俯

梅花元自江南得
還醉江南客
雲中雨裏為誰香
聞道數枝清笑出東牆
多情宋玉還知否
梁苑無尋處
臘脂為萼玉為肌
却恨惱人桃杏不同時

前調

陳與義

張帆欲去仍搔首更醉君家酒吟詩日日待春風及至
桃花開後却匆匆歌聲頻為行人咽記著尊前雪明
朝酒醒大江流滿載一船離恨向衡州

前調

江鄉

趙長卿

雨聲破曉催行槳拍拍溪流長綠楊遶岸水痕斜恰似
畫橋西畔那人家人家樓閣臨江渚應是停歌舞珠
簾整日不閒鈎目斷征帆猶未識歸舟

前調

呂本中

梅花自是於春嬾不是春來晚看伊開在衆花前便道
與春無分結因緣風前月下頻相就笑我如伊瘦幾
回衝雨過疎籬已見一番青子綴殘枝

前調

曾覲

芙蓉池畔都開徧又是西風晚霽天碧淨暝雲收漸看
一輪冰魄冷懸秋閩山層疊迷歸路把酒寬愁緒舊
歡新恨幾淒涼暗想瀛洲何處夢悠揚

前調

范成大

玉簫驚報同雲重，仍怪金瓶凍。清明將近，雪花翻不道，海棠消瘦。柳絲寒，王孫沉醉，玃氈幕，誰怕羅衣薄。燭燈香霧兩厭厭，彷彿有人愁損兩眉尖。

前調

紅木犀

范成大

誰將擊碎珊瑚玉，裝上交枝粟。恰如嬌小萬瓊妃，塗罷額黃嫌怕污。臘脂日深未覺，清香絕。風露溶溶月滿身。花影弄淒涼，無限月和風露一齊香。

前調

陳三聘

融融睡覺東風息
行到溪亭側一枝梅玉似人人索笑
依然消瘦不禁春
相逢試問情多少應怪山翁老翠
蘿高護結花鄰一任餘芳爭學捧心顰

前調

陳三聘

天公意向人情滿
燈月人同看中秋雖是十分明不比
今宵處處有華燈
豔桃穠李歌闌後更醉青樓酒不
妨飲盡玉東西橫笛聲中春色要君知

前調

陳三聘

飛瓊曉壓梅枝重酒面羊羔凍誰將縞帶逐車翻明月
秦樓昨夜不勝寒何須捲起重簾幕愁怕春羅薄玉
杯持勸醉厭厭無奈有人籠袖出香尖

前調

紅木犀

陳三聘

亂紅翦碎煩纖玉相並黃金粟漢宮素面說明妃馬上
秋風應解著臙脂黃昏小樹堪愁絕不比梅花月滿
天風露透肌涼插取雙枝歸去是誰香

前調

程垓

輕紅短白東城路憶得分襟處柳絲無賴舞春柔不繫
離人只解繫離愁如今花謝春將老柳下無人到月
明門外子規啼喚得人愁爭似喚人歸

前調

洪适

芭蕉滴滴牕前雨望斷江南路亂雲重疊幾多山不似
倦飛鷗鳥便知還角聲更聽譙門弄夜夜思歸夢鄱
江樓下水含漪孤負釣灘煙艇綠蓑衣

前調

送兄益
章赴試

吳儆

銀屏一夜金風細
便作中秋意
碧天如水月如眉
已有征鴻摩月向南飛
金尊滿酌蟾宮客
莫促陽關拍須知
丹桂擅秋天千里
嬋娟指日十分圓

前調

七夕

吳儆

飛橋駕鵲天津闊
雲馭看看發
相思惟恨不相逢
及至相逢還是去匆匆
垂絲插竹真堪笑
欲乞天孫巧
天孫多巧漫多愁
巧得千般爭解勸郎留

前調

吳儆

雙眸翦水團香雪雲際看新月生綃籠粉倚牕紗全似
瑤池疎影浸梅花 金翹翠靨雙蛾淺斂袂低歌扇羞
紅膩臉語聲低想見流蘇帳掩燭明時

前調

九月飲
乘風亭

趙彥端

煙空磴盡長松語佳處遺基古道人乘月又乘風未用
秋衣沉水換熏籠 兩峰千澗依稀是想像詩翁醉莫
驚青蕊後時開笑倒江南陶令未歸來

前調

置酒舟中作

趙彥端

蘭畦梅徑香雲繞長恨相從少相從雖少却情親不道
頻相從後是行人行人來去猶清瘦想見相分後書
來梅子定嘗新記取江東日暮雨還雲

前調

寄劉帥

趙彥端

疎梅淡月年年好春意今年早迎長時節近佳辰看取
袞衣黃髮畫麒麟酒中倒卧南山綠起舞人如玉風
流椿樹可憐生長與柳枝桃葉共青青

前調

寄李公定

王千秋

流蘇斗帳泥金額我亦花前客謫仙標韻勝瓊枝一詠
一觴常是得追隨自從風借雲帆便冷落青樓宴石
橋風月也應猜過盡中秋不見晚歸來

前調

王千秋

琵琶絃畔春風面曾向尊前見彩雲初散燕空樓蕭寺
相逢各認兩眉愁舊時曲譜曾翻否好在曹剛手老
來心緒怯么絃出塞移船莫遣到愁邊

前調

和姚伯和

王千秋

風花南北知何據常是將春負海棠開盡野棠開足馬
崎嶇還入亂山來尊前人物勝前度誰記桃花句老
來情事不禁濃玉珮行雲切莫易丁東

前調

陳亮

東風蕩颺輕雲縷時送蕭蕭雨水邊臺榭燕新歸一口
香泥濕帶落花飛海棠糝徑鋪香繡依舊成春瘦黃
昏庭院柳啼鴉記得那人和月折梨花

前調

和催梅
韻三首

張 槩

金爐釵就裙紋摺香燼低雲月玉鈿黏唾上眉心不似
壽陽簷下六花清 翠禽飛起南枝動驚破西湖夢仗
誰為作水龍聲吹綻寒葩詩眼為君青

前調

張 槩

小蠻纔把鴛衾摺妝就梳橫月探梅不似舊年心却愛
牕前紙帳十分清 朔風吹起寒雲動午寢都無夢黃
昏更被竹枝聲喚起惺惺相對一燈青

前調

張榘

龍香淺漬羅屏摺睡思低眉月閒愁閒悶不關心心似
牕前梅影一般清 繡幃交掩流蘇動一覺曹騰夢枕
山輕夏寶釵聲粉褪香顚零亂鬢鴉青

前調

方千里

花臺響徹歌聲暝白日林中短春心搖蕩客魂消搓粉
揉香排比一團嬌 重來猶自尋芳徑吹鬢東風影步
金蓮處綠苔封不見彩雲雙袖舞驚鴻

前調

方千里

高樓遠閣花飛徧
急雨捎池面
脩脩楊柳不知門
多少
亂鶯啼處暮煙昏
銀鈎小字題芳絮
宛轉迴文語可
憐單枕夢行雲
腸斷江南千里未歸人

前調

楊澤民

層層樓閣薰風暝
花裏香苞短
清芬不逐火雲消
看了
一重姿媚一重嬌
幾回池上尋芳徑
驚見波中影似
將千葉再包封
腸斷昭陽一笑付飛鴻

前調 紅蓮

楊澤民

小池芳蕊初開徧
恰似新妝面
扁舟一葉過吳門
只向花間高卧度朝昏
浮萍點綴因風絮
更共鴛鴦語
花間有女恰如雲
不惜一生常作採花人

前調

沈端節

去年寒食初相見
花上雙飛燕
今年寒食又花開
垂下重簾不許燕歸來
隔簾聽燕呢喃語
似說相思苦
東君都不管閒愁
一任落花飛絮兩悠悠

前調

沈端節

卧紅堆碧紛無數春事知何許斑斑小雨裛梨花又是
清明時候不歸家傷春減盡東陽帶人道多情態青
春留下許多愁分付與君今夜一停休

前調

沈端節

暮雲衰草連天遠不記離人怨可憐無處不關情夢斷
孤鴻哀怨兩三聲恨君醉眼何時見夜夜相思徧梧
桐葉落候蛩秋惟有一江煙雨替人愁

前調

蔣捷

絲絲楊柳絲絲雨春在冥濛處樓兒忒小不藏愁幾度
和雲飛去覓歸舟天憐客子鄉關遠借與花消遣海
棠紅近綠闌干纔捲珠簾却又晚風寒

前調

聽雨

蔣捷

少年聽雨歌樓上紅燭昏羅帳壯年聽雨客舟中江闊
雲低斷鴈叫西風而今聽雨僧廬下鬢已星星也悲
歡離合總無情一任階前點滴到天明

前調

吳文英

背庭緣恐花羞墜
心事遙山裏
小簾愁捲月籠明
一寸秋懷禁得幾蛩聲
井梧不放西風起
供與離人睡
夢和新月未圓時
起看檐蛛結網又尋思

前調

憶柳

張炎

修眉刷翠春痕聚
難翦愁來處
斷絲無力挽韶華
也學落紅流水到天涯
那回錯認章臺下
却是陽關也待
將新恨趁楊花
不識相思一點在誰家

前調

題陳公
明藏冊

張炎

黃金誰解教歌舞留得當時譜斷情殘意落人間漢上行雲迷却舊巫山
妝樓何處尋樊素空悞周郎顧一簾秋雨翦燈看無限羈愁分付玉笙寒

前調

石孝友

醉尋芳草城頭路底事頻凝佇麗譙直下小層樓駕瓦重重勻砌幾重愁
睡紅顰翠春風面咫尺無由見從教笑語落檐楹圖得香閨依約認郎聲

前調

趙君舉

飛雲流水來無信
花發年年恨
小桃如臉柳如眉
記得那人模樣舊家時
樓高映步拖金縷
香濕黃昏雨
如今不見欲憑書
門外水平波暖一雙魚

前調

迴文

王文甫

黃金嫩柳搖絲軟
永日堂空掩捲簾
飛燕未歸來客去
醉眠敲枕殢殘杯
睂山淺拂青螺黛
整整垂雙帶
水沉香熨窄衫輕
瑩玉碧溪春溜眼
波橫

前調

括劉禹錫武昌說笛歌

林正大

武昌七十龐眉叟學笛從年少蕭蕭笛竹楚山秋當日
買材曾典黑貂裘一聲占盡秋江月天外行雲絕如
今老去興猶遲尚想時時一曲夢中吹

前調

葛長庚

蘋花零亂秋亭暮籬落江村路櫂歌搖曳釣船歸攪碎
清風千頃翠琉璃山銜初月明疎柳平野垂星斗莫
辭沉醉伴孤吟他日江南江北兩關心

前調

同孟利
器尋春

趙 攄

春來日日風成陣
桃李飄零盡
樹頭樹底覓殘紅
只有郭西梨雪照晴空
酬春須得如川酒
酒債尋常有
葛巾欹側倩人扶
大似浣紗溪上醉騎驢

前調

李 宴

佳人酒暈潮生頰
濫濫霞千疊
雨餘紅淚濕黃昏
誤認當年人面倚朱門
飄零又送青春暮
悵望劉郎去
教人不恨五更風
只恨馬蹄無處避殘紅

前調

元好問

槐陰別院宜清晝
入坐春風透美人
圖子阿誰留都是
宣和名筆內家收
鶯鶯燕燕分飛後
粉淡梨花瘦只
除蘇小不風流
斜插一枝萱草鳳釵頭

前調

浙江舟中作

趙孟頫

潮生潮落何時了
斷送行人老
消沉萬古意無窮
盡在長空淡淡鳥飛中
海門幾點青山小
望極煙波渺
何當駕我以長風
便欲乘桴浮到日華東

前調

趙孟頫

池塘處處生春草
芳思紛繚繞
醉中時作短歌行
無奈夕陽偏傍小
牕明
故園荒徑迷行跡
只有山仍碧
及今作樂送春歸
莫待春歸去後始知非

前調

蕭允之

朱樓曾記回嬌盼
滿座春風轉
紅潮生面酒微醺
一曲清歌留住半
牕雲
大都咫尺無消息
望斷青鸞翼
夜長香短燭花紅
多少思量只在雨聲中

前調

劉天迪

子規解勸春歸去春亦無心住江南風景正堪憐到得
而今不去待何年無端往事縈心曲兩鬢先驚綠萼
薇花發望春歸謝了薔薇又見棟花飛

前調

張翥

千林白雪花間譜價重黃金縷尊前自聽斷腸詞正是
江南風景落花時紅樓翠舫西湖路好寫新聲去為
憑宮羽教歌兒不道居然才子鬢如絲

前調

顧氏
隱居

王行

黃花翠竹臨溪處正是幽人住不嫌拄杖破蒼苔便道
有時陰雨也須來 隔簾塵土紛紛起久厭襄陽市若
能招我作西鄰從此一溪春水兩家分

前調

鄒氏
隱居

王行

白雲紅樹秋山下一片江南畫門前流水帶晴沙更是
繞籬寒菊正開花 如何眼底逢佳處偏許幽人住也
須來此結茅茨莫待有人相寄草堂資

前調

劉基

秋來日日煙含雨不肯收殘暑小桃錯認是春回盡把
枝頭紅綠向人開白雲流水青山遠門掩蒼苔晚草
間蜂蝶未須忙後夜雲英和月結成霜

前調

秋月
下作

吳子孝

輕雲不掩清秋月冷浸冰壺徹明輝相對且婆婆無奈
漏深人醉興還多風吹庭竹飄香露露濕寒蛩語十
分桂影漸團圓莫怪高歌狂舞不成眠

前調

周用

先生何事先歸去，獨卧雲深處。縱然談笑有鴻儒，敢忘
野人芹曝效區區。不來舊雨來今雨，由我還由汝。逢
人莫問九遷官，惟有衰顏欲付紫金丹。

前調

王錫爵

四山染徧青青黛，一水中間界撐篙直入上流頭。未到
桃花盡處莫回舟。鶴聲鹿跡沿溪滿，深樹開樓館洞
門。何事靜無人，但有石牀殘弈子縱橫。

前調

王世貞

浮萍只待楊花去況更廉纖雨鴨頭虛染最長條醞造
離亭清淚幾時消 珊瑚翠色新豐酒解醉愁人否薄
寒攏送汝南雞偏向碧紗幬畔醒時啼

前調

吳鼎芳

海棠不礙牕紗影鬢驪駕鴛鴦領繡棚吹落唾花紅但見
餘香一點裊晴風 柳眠無力輕煙惹春色撩人也舞
衫閒搭畫闌邊日暖融融好箇洗頭天

前調 桃杏

陳子龍

天桃紅杏春初半，總被薰風換。
王孫芳草路微茫，只有青山依舊對斜陽。
綺羅如在無人到，明月空相照。
夢中樓閣水潺潺，撇下一天星露在江南。

前調 春雨

沈鍾鶴

春光九十誰分取，斷送晨昏雨。
桃花和淚濕胭脂，檢點殘紅一半未開時。
長竿擬把愁雲埽，天夢渾難曉。
柔腸不斷却迴環，咫尺相思人隔萬重山。

前調

瓶中臘梅

明媛

沈宜修

生香素面檀融暈，嬾傳何郎粉。膽瓶折取貯仙葩，試看
漸將春色逗些些。纖枝不鬪東風巧，耐雪衝寒早。鏡
前新寫漢宮妝，却把玉顏淡淡拂輕黃。

前調

看花

明媛

葉小鸞

闌干曲護閒庭小，猶恐春寒悄。隔牆影送一枝紅，却是
杏花消瘦舊東風。海棠睡去梨花褪，欲語渾難問。只
知婀娜共爭妍，不道有人為你惜流年。

御選歷代詩餘卷三十

欽定四庫全書薈要

御選歷代詩餘卷三十一目錄

五十
六字

玉樓春

上

南唐李煜

韋莊

歐陽炯

顧夔

二首

魏承班

二首

馮延巳

庾傳素

徐昌圖

錢惟演

二首

晏殊

八首

賈昌朝

宋祁

歐陽修

二十三首

晏幾道 十九首

張先 八首

柳永 五首

蘇軾 六首

黃庭堅 五首

秦觀

陳師道 三首

賀鑄 五首

毛滂八首

杜安世五首

御選歷代詩餘卷三十一目錄

欽定四庫全書薈要卷二萬七百九

集部

御選歷代詩餘卷三十一

五十六字

玉樓春

上

雙調五十六字即木蘭花之又一體唐詞無此名五代始有之別名春晚曲與二十七字者不同又名惜春容亦有以別名另立調者止中間平仄畧異故皆入之又一體內也

玉樓春

南唐李煜

晚妝初了明肌雪春殿嬪娥魚貫列笙簫吹斷水雲閒
重按霓裳歌徧徹臨春誰更飄香屑醉拍闌干情味

切歸時休放燭花紅待蹋馬蹄清夜月

前調

韋莊

日照玉樓花似錦樓上醉和春色寢綠楊風送小鶯聲
殘夢不成離玉枕堪愛晚來韶景甚寶柱秦箏方再
品青娥紅臉笑來迎又向海棠花下飲

前調

歐陽炯

春早玉樓煙雨夜簾外櫻桃花半謝錦屏香冷繡衾寒
恹悵憶君無計捨侵曉鵲聲來砌下鸞鏡殘妝紅粉

罷黛眉雙點不能描留待玉郎歸日畫

前調

顧 覓

拂水雙飛來去燕曲檻小屏山六扇春愁凝思結眉心
綠綺嬾調紅錦薦 話別情多聲欲顫玉筋痕留紅粉
面鎮長獨立到黃昏却怕良宵頻夢見

前調

顧 覓

月皎露華窗影細風送菊香黏繡袂博山爐冷水沉微
惆悵金閨終日閉 嬾展羅衾垂玉筋羞對菱花簪寶

髻良宵好事枉教休無計奈他狂耍堦

前調

魏承班

寂寂畫堂梁上燕高卷翠簾橫數扇一庭春色惱人來
滿地落花紅幾片愁倚錦屏低雪面淚滴繡羅金縷
線好天涼月盡傷心為是玉郎長不見

前調

魏承班

輕斂翠蛾呈皓齒鶯嚶一枝花影裏聲聲清迴過行雲
寂寂畫梁塵暗起玉竿滿斟情未已促坐王孫公子

醉春風筵上貫珠勻
豔色韶顏嬌旖旎

前調

馮延巳

雪雲乍變春雲簇
漸覺年華堪縱目
北枝梅蕊犯寒開
南浦波紋如酒綠
芳菲次第長相續
自是情多無處足
尊前百計得春歸
莫為傷春眉黛蹙

前調

庾傳素

木蘭紅豔多情態
不似凡花人不愛
移來孔雀檻邊栽
折向鳳凰釵上戴
是何芍藥爭風彩
自共牡丹長作

對若教為女嫁東風除却黃鶯難匹配

前調

徐昌圖

沉檀煙起盤紅霧一箭霜風吹繡戶漢宮花面學梅妝
謝女雪詩栽柳絮長垂夾幕孤鸞舞旋炙銀笙雙鳳
語紅牕酒病嚼寒冰冰損相思無夢處

前調

錢惟演

城上風光鶯語亂城下煙波春拍岸綠楊芳草幾時休
淚眼愁腸先已斷情懷漸變成衰晚鸞鏡朱顏驚暗

換昔年多病厭芳尊今日芳尊惟恐淺

前調

荀

錢惟演

錦箨參差朱檻曲露濯文犀和粉綠未容濃翠伴桃紅
已許纖枝留鳳宿嫩似春莢明似玉一寸芳心誰管
束勸君速喫莫踟躕看被南風吹作竹

前調

晏殊

綠楊芳草長亭路年少拋人容易去樓頭殘夢五更鐘
花外離愁三月雨無情不似多情苦一寸還成千萬

縷天涯地角有窮時只有相思無盡處

前調

晏殊

簾旌浪捲金泥鳳宿醉醒來長管鬆海棠開後曉寒輕
柳絮飛時春睡重美酒一杯誰與共往事舊歡時節
動不如憐取眼前人免使勞魂兼役夢

前調

晏殊

池塘水綠風微暝記得玉真初見面重頭歌韻響鐙鏐
入破舞腰紅亂旋玉鈎闌下香階畔醉後不知斜日

晚當時共我賞花人點檢如今無一半

前調

晏殊

玉樓朱閣黃金鎖寒食清明春欲破
牕間斜月兩眉愁
簾外落花雙淚墮
朝雲聚散真無那
百歲相看能幾箇
別來將謂不牽情
萬轉千回思想過

前調

晏殊

朱簾半下香銷印
二月東風催柳信
琵琶旁畔且尋思
鸚鵡前頭休借問
驚鴻去後生離恨
紅日長時添酒

困未知心在阿誰邊滿眼淚珠言不盡

前調

晏殊

紫薇朱槿繁開後枕簟微涼生玉漏玳筵初啟日穿簾
檀板欲開香滿袖紅衫侍女頻傾酒龜鶴仙人來獻
壽歡聲喜氣逐時新青鬢玉顏長似舊

前調

晏殊

春蔥指甲輕攏撚五彩絲垂雙袖捲雪香濃透紫檀槽
胡語急隨紅玉腕當頭一曲情無限入破錚鏦金鳳

戰百分芳酒祝長春再拜斂容擡粉面

前調

晏殊

紅絳約束瓊肌穩拍碎香檀催急滾龍頭嗚咽水聲繁
葉下間關鶯語近 美人才子傳芳信明月清風傷別
恨未知何處有知音長為此情言不盡

前調

賈昌朝

都城水綠嬉遊處仙棹往來人笑語紅隨遠浪泛桃花
雪散平堤飛柳絮 東君欲共春歸去一陣狂風和驟

雨碧油紅旆錦障泥斜日畫橋芳草路

前調

宋 祁

東城漸覺風光好穀皺波紋迎客棹綠楊煙外曉寒輕
紅杏枝頭春意鬧浮生常恨歡娛少肯愛千金輕一
笑為君持酒勸斜陽且向花間留晚照

前調

歐陽修

風遲日媚煙光好綠樹依依芳意早年華容易即凋零
春色只宜長恨少池塘隱隱驚雷曉柳眼未開梅萼

小尊前貪愛物華新不道物新人漸老

前調

歐陽修

西亭飲散清歌闋花外遲遲宮漏發塗金燭引紫騮嘶
柳曲西頭歸路別佳辰只恐幽期闊密贈殷勤衣上
結翠屏魂夢莫相尋禁斷六街清夜月

前調

歐陽修

春山斂黛低歌扇暫解吳鉤登祖宴畫樓鐘動已魂銷
何況馬嘶芳草岼青門柳色隨人遠望欲斷時腸已

斷洛陽春色待君來莫到落花飛似霰

前調

歐陽修

尊前擬把歸期說未語春容先慘咽人生自是有情癡
此恨不關風與月離歌且莫翻新闕一曲能教腸寸
結直須看盡洛城花始共春風容易別

前調

歐陽修

洛陽正值芳菲節穠豔清香相間發遊絲有意苦相縈
垂柳無端爭贈別杏花紅處青山缺山畔行人山下

歌今宵誰肯遠相隨惟有寂寥孤館月

前調

歐陽修

殘春一夜狂風雨斷送紅飛花落樹人心花意待留春
春色無情容易去高樓把酒愁無語欲問春歸何處
所暮雲空闊不知音惟有綠楊芳草路

前調

歐陽修

常憶洛陽風景媚煙暝風和添酒味鶯啼宴席似留人
花出牆頭如有意別來已隔千山翠望斷危樓斜日

墜關心只為牡丹紅一片春愁來夢裏

前調

歐陽修

別後不知君遠近觸目淒涼多少悶漸行漸遠漸無情
水闊魚沉何處問夜深風竹敲秋韻萬葉千聲皆是
恨故敲單枕夢中尋夢又不成燈又燼

前調

歐陽修

西湖南北煙波闊風裏絲簧聲韻咽舞餘裙帶綠雙垂
酒入香腮紅一抹杯深不覺琉璃滑貪看六么花十

八明朝車馬各東西惆悵畫橋風與月

前調

歐陽修

燕鴻過後春歸去細算浮生千萬緒來如春夢幾多時
去似朝雲無覓處聞琴解珮神仙侶挽斷羅衣留不
住勸君莫作獨醒人爛醉花間應有數

前調

歐陽修

蝶飛芳草花飛路把酒已嗟春色暮當時枝上落殘花
今日水流何處去樓前獨遶鳴蟬樹憶把芳條吹暝

卷三十一
絮紅蓮綠艾亦芳菲不奈金風兼玉露

前調

歐陽修

檀槽碎響金絲撥露濕潯陽江上月不知商婦為誰愁
一曲行人留夜發畫堂花月新聲別紅蕊調長彈未
徹暗將深意祝膠絃惟願絃絃無斷絕

前調

歐陽修

金花盞面紅煙透舞急香茵隨步皺青春才子有新詞
紅粉佳人重勸酒也知自為傷春瘦歸騎休交銀燭

候擬將沉醉為清歡無奈醒來還感舊

前調

柳

歐陽修

黃金弄色輕於粉濯濯春條如水嫩為緣力薄未禁風
不奈多嬌長似困腰柔乍怯人相近眉小未知春有
恨勸君著意惜芳菲莫待行人攀折盡

前調

歐陽修

沉沉庭院鶯吟弄日暝煙和春氣重綠楊嬌眼為誰回
芳草深心空自動倚闌無語傷離鳳一片風情無處

用尋思還有舊家心蝴蝶時時來後夢

前調

歐陽修

去時梅萼初凝粉不覺小桃風力損梨花最晚又凋零
何事歸期無定準闌干倚徧重來凭淚粉偷將紅袖
印蜘蛛喜鵲誤人多似此無憑安足信

前調

歐陽修

酒美春濃花世界得意人人千萬態莫教辜負艷陽天
過了堆金何處買已去少年無計奈且願芳心長恁

在閒愁一點上心來算得東風吹不解

前調

歐陽修

湖邊柳外樓高處望斷雲山多少路
闌干倚徧使人愁
又是天涯初日暮
輕無管繫狂無數
水畔花飛風裏絮
算伊渾是薄情郎
去便不來來便去

前調

歐陽修

南園粉蝶能無數度翠穿紅來復去
倡條冶葉恣留連
飄蕩輕於花上絮
朱闌夜夜風兼露
宿粉棲香無定

所多情翻却似無情贏得百花無限妒

前調

子規

歐陽修

江南三月春光老月落禽啼天未曉露和啼血染花紅
恨過千家煙樹杪雲垂玉枕屏山小夢欲成時驚覺
了人心應不似伊心若解思歸歸合早

前調

歐陽修

東風本是開花信及至花時風更緊吹開吹謝苦匆匆
春意到頭無處問把酒臨風千萬恨欲埽殘紅猶未

惡夜來風雨轉離披滿眼淒涼愁不盡

前調

歐陽修

陰陰樹色籠晴晝清澹園林春過後杏腮輕粉日催紅
池面綠羅風卷皺佳人向晚新妝就圓膩歌喉珠欲
溜當筵莫放酒杯遲樂事良辰難入手

前調

歐陽修

芙蓉鬪暈胭脂淺留著晚花開小宴畫船紅日水風清
柳色溪光晴照暎美人爭勸梨花盞舞困玉腰裙縷

慢莫教銀燭促歸期已祝斜陽休便晚

前調

晏幾道

秋千院落重簾暮彩筆閒來題繡戶牆頭丹杏雨餘花
門外綠楊風後絮朝雲信斷知何處應作襄王春夢
去紫騮認得舊游踪嘶過畫橋東畔路

前調

晏幾道

小顰若解愁春暮一笑留春春也住晚紅初減謝池花
新翠已遮瓊苑路湔裙曲水曾相遇挽斷羅巾容易

去啼珠彈盡又成行畢竟心情無會處

前調

晏幾道

小蓮未解論心素狂似鈿箏絃底柱臉邊霞散酒初醒
睂上月殘人欲去舊時家近章臺佳盡日東風吹柳
絮生憎繁杏綠陰時正礙粉牆偷眼覷

前調

晏幾道

風簾向曉寒成陣未報東風消息近試從梅蒂紫邊尋
更遶柳枝柔處問來遲不是春無信開晚却疑花有

恨又應添得幾分愁二十五絃彈未盡

前調

晏幾道

念奴初唱離亭宴會作離聲勾別怨當時垂淚憶西樓
濕盡羅衫歌未徧難逢最是身强健無定莫如人聚
散已拚歸袖醉相扶更惱香檀珍重勸

前調

晏幾道

玉真能唱朱簾靜憶上雙蓮池上聽百分蕉葉醉如泥
却向斷腸聲裏醒夜凉水月鋪明鏡更有嬌花閒弄

影曲終人意似流波休問心期何處定

前調

晏幾道

阿茸十五腰肢好天與懷春風味早畫眉勻臉不知愁
殢酒熏香偏稱小東城楊柳西城草會合難期如意
少思量心事薄輕雲綠鏡臺前還自笑

前調

晏幾道

瓊酥酒面風吹醒一縷斜紅臨晚鏡小顰微笑盡妖嬈
淺注輕勻長澹淨手接梅蕊尋香徑正是佳期期未

定春來還為箇般愁瘦損宮腰羅帶剩

前調

晏幾道

青娥學得秦娥似金屋瑤臺知姓氏可憐春恨一生心
長帶粉痕雙袖淚從來嬾話低眉事今日新聲誰會
意坐中應有賞音人試問回腸曾斷未

前調

晏幾道

旗亭西畔朝雲住沉水香煙長滿路柳陰分到畫眉邊
花片飛來垂手處妝成儘任秋娘妬裊裊盈盈當繡

戶臨風一曲醉騰騰陌上行人凝恨去

前調

晏幾道

離鸞照罷塵生鏡幾點吳霜侵綠鬢琵琶絃上語無憑
豈翫梢頭春有信相思拚損朱顏盡天若多情終欲
問雪牕休記夜來寒桂酒已銷人去恨

前調

晏幾道

初心已恨花期晚別後相思長在眼蘭衾猶有舊時香
每到夢回珠淚滿多應不信人腸斷幾夜夜寒誰共

暖欲將恩愛結來生只恐來生緣又短

前調

晏幾道

東風又作無情計豔粉嬌紅吹滿地碧樓簾影不遮愁
還似去年今日意誰知錯管春殘事到處登臨曾費
淚此時金盞直須深看盡落花能幾醉

前調

晏幾道

雕鞍好為鶯花住占取東城南陌路儘教春思亂如雲
莫管世情輕似絮古來多被虛名誤寧負虛名身莫

負勸君頻入醉鄉來此是無愁無恨處

前調

晏幾道

斑駁路與陽臺近前度無題初借問暝風鞭袖儘閒垂
微月簾櫳曾暗認梅花未足憑芳信絃語豈堪傳素
恨翠眉饒似遠山長寄與此愁顰不盡

前調

晏幾道

當年信道情無價桃葉尊前論別夜臉紅心緒學梅妝
眉翠工夫如月畫來時醉倒旗亭下知是阿誰扶上

馬憶曾挑盡五更燈不記臨分多少話

前調

晏幾道

採蓮時候慵歌舞永日間從花裏度暗隨蘋末曉風來
直待柳梢斜月去停撓共說江頭路臨水樓臺蘇小
住細思巫峽夢回時不減秦源腸斷處

前調

晏幾道

輕風拂柳冰初綻細雨銷塵雲未散紅牕青鏡待妝梅
綠陌高樓催送鴈畫羅歌扇金蕉醺記得尋芳心緒

慣鳳城寒盡又飛花
歲歲春光常有限

前調

晏幾道

紅綃學舞腰肢軟
巧織舞衣宮樣染
織成雲外鴈行斜
染作江南春水淺
露桃宮裏隨歌管
一曲霓裳紅日晚
歸來雙袖酒成痕
小字香牋無意展

前調

張先

人意共憐花月滿
花好月圓人又散
歡情去逐遠雲空
往事過如幽夢斷
草樹爭春紅影亂
一唱雞聲千萬

怨任教遲日更添長
能得幾時擡眼看

前調

張先

相離徒有相逢夢
門外馬蹄塵已動
怨歌留待醉時聽
遠目不堪空際送
今宵風月知誰共
聲咽琵琶槽上
鳳人生無物比多情
江水不深山不重

前調

邠州作

張先

青銅貼水萍無數
臨曉西湖春漲雨
泥新輕燕面前飛
風慢落花衣上住
紅裙空解煙蛾聚
雲月却能隨馬

去明朝何處上高臺
回認玉峰山下路

前調

張先

西湖楊柳風流絕
滿縷青春看贈別
牆頭簌簌暗飛花
山外陰陰初落月
秦姬穠麗雲梳髮
持酒聽歌留晚
發
驪駒應亦解人情
欲出重城嘶不歇

前調

送張中行

張先

插花勸酒鹽橋館
名節促行龍闕遠
吳船漸近晚潮生
蠻榼未空寒日短
慶門奕世隆宸睞
歸到月陂梅已

綻有情願寄向南枝圖得洛陽春色看

前調

張先

去年春日芳菲國青蕊如梅終忍摘闌邊縱欲說相思
綠蠟密緘朱粉飾歸來故苑重尋覓花滿舊枝心更
惜鴛鴦從小自相雙若不多情頭不白

前調

乙卯吳興寒食

張先

龍頭舴艋吳兒競荀柱秋千游女竝芳洲拾翠暮忘歸
秀野踏青來不定行雲去後遙山暝已放笙歌池院

靜中庭月色上清明無數楊花過無影

前調

贈周邵
二生

張先

輕牙低掌隨聲聽合調破宮雲自凝珠娘翠黛有人描
瓊女分鬟待誰併弄妝俱學閒心性故向鸞臺同照
影雙頭蓮子一時花天碧秋池水如鏡

前調

柳永

皇都今夕知何夕特地風光盈綺陌金絲玉管咽春空
蠟炬蘭燈燒夜色鳳樓十二神仙宅珠履三千鸛鷺

客金吾不禁六街遊
狂煞雲踪并雨跡

前調

柳 永

蟲娘舉措皆淹潤
每到婆娑偏逞俊
香檀敲緩玉纖遲
畫鼓聲喧蓮步緊
貪為顧盼誇風韻
往往曲終情未盡
坐中年少暗銷魂
爭問青鸞家遠近

前調

杏花

柳 永

翦裁用盡春工意
淺蘸朝霞千萬蕊
天然澹泞好精神
洗盡嚴妝方見媚
風亭月榭閒相倚
紫玉枝梢紅蠟

蒂假饒花落未銷愁煮酒杯盤催結子

前調

海棠

柳永

東風催露千嬌面欲綻紅深開處淺日高梳洗甚時忺
點滴胭脂勻未徧霏微雨罷殘陽院洗出都城新錦
段美人纖手摘芳枝插在釵頭和鳳顫

前調

柳

柳永

黃金萬縷風牽細寒食初頭春有味殢煙尤雨索春饒
一日三眠誇得意章街隋岼歡遊地高拂樓臺低映

水楚王空待學風流
餓損宮腰終不似

前調

蘇軾

知君仙骨無寒暑
千載相逢猶旦暮
故將別語惱佳人
要看梨花枝上雨
落花已逐回風去
花本無心鶯自訴
明朝歸路下塘池
不見鶯啼花落處

前調

蘇軾

元宵似是歡遊好
何況公庭民訟少
百家遊賞上春臺
千里神仙迷海島
平原不似高陽傲
促席雍容陪語

笑座中有客最多情不惜玉山拚醉倒

前調

夜雨
寄弟

蘇軾

梧桐葉上三更雨驚破夢魂無覺處夜涼枕簟已知秋
更聽寒蛩促機杼夢中歷歷來時路猶在江亭醉歌
舞尊前必有問君人為道別來心與緒

前調

蘇軾

經旬未識東君信一夕薰風來解愠紅綃衣薄麥秋寒
綠綺韻低梅雨潤瓜頭綠染山光嫩弄色金桃新傳

粉日高慵捲水晶簾猶帶春醪紅玉困

前調

秋晚次
歐公韻

蘇軾

霜餘已失長淮闊空聽潺潺清潁咽佳人猶唱醉翁詞
四十三年如電抹草頭秋露流珠滑三五盈盈還二
八與余同是識翁人惟有西湖波底月

前調

蘇軾

高平四面開雄壘三月風光初覺媚園中桃李使君家
城上亭臺遊客醉歌翻楊柳金尊沸飲散凭闌無限

意雲深不見玉關遙草細山重殘照裏

前調

黃庭堅

翰林本是神仙謫落帽風流傾坐席座中還有賞音人
能岸烏紗浮大白江山依舊雲橫碧昨日主人今日
客誰分賓主強惺惺問取磯頭新婦石

前調

黃庭堅

風開冰面魚紋皺暖入芳心犀點透乍看晴日弄柔條
憶得章臺人姓柳心情老大癡成就不復淋浪沾翠

袖早梅獻笑尚窺鄰小蜜竊香如遺壽

前調

黃庭堅

東君未試雷霆手洒雪開春春鎖透帝臺應點萬年枝
窮巷偏欺三徑柳峰排羣玉森相就中有摩圍為領
袖凝香牕下與誰看一曲琵琶千萬壽

前調

黃庭堅

新年何許春光漏小苑閒門風日透酥花入座頗欺梅
雪絮因風全是柳使君落筆春詞就應喚歌檀催舞

袖得開眉處且開眉人世可能金石壽

前調

黃庭堅

黔中士女遊晴晝花信輕寒羅綺透爭尋穿石道宜男
更買江魚雙貫柳竹枝歌好移船就依倚風光垂翠
袖滿傾蘆酒拈摩圍相守與郎如許壽

前調

秦觀

秋容老盡芙蓉院草上霜花勻似翦西樓促坐酒杯深
風壓繡簾香不卷玉纖慵整銀箏鴈紅袖時籠金鴨

暝歲華一任委西風獨有春紅留醉臉

前調

陳師道

陰陰雲日江城晚小院回廊春已滿誰家言語似黃鸝
深閉玉籠千萬轉蓬萊易到人難見香火無憑空有
怨不辭歌裏斷人腸只怕有腸無處斷

前調

汝陰湖上
同東坡

陳師道

湖平木落搖空闊葉底流泉鳴復咽酒邊清漏往時同
花裏朱絃纖手抹風光過手春冰滑十事違人常七

八不將白髮並黃花擬下清流攬明月

前調

陳師道

榮光休氣天為瑞道祖當天傳寶裔千年昌運此時逢
四海歡聲今日沸濛濛香霧沾衣膩漠漠輕寒梅柳
細封人長有祝堯心從此年年并歲歲

前調

賀鑄

秦絲絡絡呈纖手寶鴈斜飛三十九徵招新譜日邊來
傾耳吳娃驚未有文園老大難堪酒蜜炬垂花知夜

久更須嫵媚做腰肢細學永豐坊畔柳

前調

賀鑄

張燈結綺籠馳道六六洞天連夜到
昭華吹斷紫雲迴
帳望人間新夢覺
傾城猶記東鄰妙
尊酒相逢留一
笑
盧郎任老儘多才不數五陵狂俠少

前調

賀鑄

清琴再鼓求凰弄
紫陌屢盤驕馬鞚
遠山眉樣認心期
流水車音牽目送
歸來翠被和衣擁
醉解寒生鐘鼓

動此情只許夢相親每向夢中還說夢

前調

賀鑄

珮環聲認腰肢軟風裏麝薰知近遠此生常羨玉妝臺
得見曉來梳畫面回廊幾步通深院一行繡衣簾不
卷酒闌歌罷欲黃昏腸斷歸巢雙燕燕

前調

賀鑄

銀簧鴈柱香檀撥鏤板三聲催細抹舞腰輕怯絳裙長
羞按築球花十八東城柳幄匆匆發畫舫一篙煙水

閨可憐單枕欲眠時還見尊前前夜月

前調

戊寅重陽不飲

毛滂

西風吹冷沉香篆門掩小牕紅葉院卧看黃菊送重陽
露重煙寒花未徧山翁病怯琉璃簾日日愁侵霜鬢
短一杯菊葉小雲團滿眼蕭蕭松竹晚

前調

庚辰重九客東都

毛滂

泥銀四壁蝸盤篆明月一庭秋滿院不知陶菊總開無
但見杜苔新雨徧去年醉倒雲為簾未盡百壺驚日

短小雲今夜伴牢愁好在鳳城春未晚

前調

元日

毛滂

一年滴盡蓮花漏碧井屠蘇沉凍酒曉寒料峭尚欺人
春態苗條先到柳佳人重勸千長壽栢葉椒花芬翠
袖醉鄉深處少相知祇與東君偏故舊

前調

賞梅

毛滂

蕊珠宮裏三千女滴粉為春塵不住月華冷處欲迎人
七里香風生滿路一枝誰寄長安去想得韶光能幾

許醉翁滿眼玉玲瓏直到煙空雲盡處

前調

立春日

毛滂

小園半夜東風轉吹皺冰池雲母面曉披閭闔見朝陽
知向碧堦添幾線嫩煙弄柳晴先暖殘雪禁梅香尚
淺殷勤洗拂舊東君多少韶華聊借看

前調

至貽

毛滂

長安回首空雲霧春夢覺來無覓處冷煙寒雨又黃昏
數盡一堤楊柳樹楚山照眼青無數淮口潮生催曉

渡西風吹面立蒼茫欲寄此情無鴈去

前調

夜春雨

毛滂

一春花事今宵了點檢落紅都已少阿誰追路問東君
祇有青青河畔草尊前不信韶華老酒意韶光相借
好簷前暮雨亦多情未做朝雲容易曉

前調

毛滂

壓玉為漿麟作角珠樹瓊葩長不謝翠簾繡暎燕歸來
寶鴨香花蜂上下沙堤珮馬催公駕月白風清天不

夜重重赫赫照出廊不動堂堂凝太華

前調

杜安世

玉燭光明正旦好斗柄東回春太早嶺寒猶鎖去年梅
江暎新催今歲草蜀國熙熙冬令杪更喜壽陽新夢
覺玉杯齊舉樂音諧遙想金階天仗曉

前調

杜安世

晴景融融春色淺落盡梅花千萬片小池冰解水紋生
消息未聞梁上燕樓倚輕寒風力軟目斷孤雲天自

遠又還依舊去年時寂寞瘦容人怪見

前調

杜安世

綸命忽從天上至便綰兵符辭漕計漢庭起草舊郎官
蜀部坐籌新將帥紅旆碧幢春色裏驕馬嘶風花片
墜送行今日短亭中惱殺故人須盡醉

前調

杜安世

春景拋人無處問多謝石榴花又噴茜羅揉出碎英繁
紅蠟鏤成香萼潤血色新裙羞莫近密葉柔條相間

觀雨餘寂寞假山傍鄉國尚遙西海信

前調

杜安世

三月初三春漸老徧地殘花風暗埽命儔嘯侶擁笙歌
臨水汎觴遊宴好浮利浮名何足道麗景芳時須笑
傲今年不似去年懽雲海路長天杳杳

御選歷代詩餘卷三十一

總校官庶吉士臣張能照

校對官庶吉士臣陳崇本

謄錄監生臣王世臣

欽定四庫全書薈要

集部

御選歷代詩餘卷三十三

詳校官編修臣汪鏞

欽定四庫全書薈要

御選歷代詩餘卷三十二目錄

五十六字

玉樓春

下

舒亶

三首

王詵

王觀

蘇庠

葛勝仲



周紫芝

謝逸

四首

周邦彥

五首

王采

王安中

二首

向子諲

蔡伸

葉夢得

陳與義

趙長卿

康與之

侯寘

二首

辛棄疾

七首

程垓

二首

劉克莊

李石

陸游

劉圻父

劉鎮

嚴仁

毛玠

郭應祥

高觀國

四首

史達祖

二首

汪莘

方千里

二首

楊澤民

吳文英

陳允平

五首

石孝友

四首

周端臣

王武子

莫崙

樓采

無名氏

僧揮

李清照

盼盼

馮延登

劉因

四首

劉景翔

劉基

駱文盛

吳子孝

二首

楊慎

王錫爵

沈自炳

郭璠

前調 又一體

孟昶

前調 又一體

溫庭筠

顧夔 二首

前調 又一體

牛嶠

瑞鷓鴣

馮延巳

歐陽修

蘇軾

賀鑄

杜安世

葛勝仲

趙師俠

張元幹

二首

侯寔

辛棄疾

程垓

二首

尤袤

盧炳

郭從範

陳彭年

詹正

二首

京師妓

楊慎

卓人月

御選歷代詩餘卷三十二目錄

欽定四庫全書薈要卷二萬七百十集部

御選歷代詩餘卷三十二

五十
六字

玉樓春

下

玉樓春

舒亶

金絲絡馬青錢路
笑指玉皇香案去
點衣柳陌度殘紅
拂面風橋吹細雨
曉釵壓鬢頭慵舉
恨裏歌聲兼別
苦西湖一頃白菱花
惆悵行雲無覓處

前調

贈歌者

舒亶

十二闌干褰畫箔，取次穿花成小酌。
綵鸞舞罷鳳孤飛，回首東風空院落。
杳杳桃源仙路邈，晴日曉牕紅薄。
薄傷春，還是嬾梳妝，想見綠雲垂鬢脚。

前調

蔣園

舒亶

瑠璃一片春，湖面畫舫遊人簾外見。
水邊風嬾柳低眠，花底雨乾鶯細轉。
秋千寂寂垂楊畔，芳草綠隨人漸遠。
一番樂事又春深，金盞莫辭紅袖勸。

前調

王詵

錦城春色花無數排比笙歌留客住輕寒輕暖袷衣天
乍雨乍晴寒食路花雖不語鶯能語莫放韶光容易
去海棠開後月明前縱有千金無買處

前調

王觀

銅駝陌上新正後第一風流除是柳勾牽春事不如梅
斷送離人強似酒東君有意偏擱就慣得腰肢真箇
瘦阿誰道你不思量因甚著頭長恁皺

前調

蘇庠

江雲疊疊遮鴛浦江水無情流薄暮歸帆初張葦邊風
客夢不禁蓬背雨渚花不解留人住只作深愁無盡
處白沙煙樹有無中鴈蕩滄洲何處所

前調

泛溪

葛勝仲

木蘭干外池光闊午夜喬林迷岼樾掠船涼吹起青蘋
縈水歌聲欺白雪檀槽響趁紅牙節私語嘈嘈還切
切人生何樂似同襟莫待驪駒聲慘咽

前調

周紫芝

江頭雨後山如髻催送新涼風有意月來楊柳綠陰中
秋在梧桐疎影裏小牕紋簾涼如水歲歲年年同此
味眼前不忍對西風夢後更堪追往事

前調

寒食

謝逸

弄晴數點梨花雨門外畫橋寒食路杜鵑飛破草間煙
蛺蝶惹殘花底霧東君著意憐樊素一段韶華天付
與妝成不管露桃嗔舞罷從教風柳妒

前調

謝逸

橫塘淺暈琉璃瑩綠葉陰濃庭院靜櫻桃熟後麥秋涼
芍藥開時槐夏永蓬萊閣下紅塵境青羽扇低搖鳳
影庭前玉樹一枝春香霧和煙新月冷

前調

謝逸

箇中懷抱誰排遣側側輕寒風翦翦細看梅蕊晚香濃
爭似柳梢春色淺嬌謔道字歌聲軟醉後微渦回笑
靨都無卓氏白頭吟只有盧郎年少感

前調

謝逸

青錢點水圓荷綠解籜新篁森嫩玉輕風冉冉棟花香
小雨絲絲梅子熟華堂燭燼零金粟人在洞天三十
六昭華吹徹瑄聲寒聲入壽觴紅浪蹙

前調

周邦彥

當時攜手城東道月墮簷牙人睡了酒邊誰使客愁輕
帳底不教春夢到別來人事如秋草應有吳霜侵翠
葆夕陽深鎖綠楊門一任盧郎愁裏老

前調

周邦彥

大堤花豔驚郎目，秀色穠光看不足。
休將寶瑟寫幽懷，座上有人能顧曲。
平波落照涵顰玉，畫舸亭亭浮澹渌。
臨分何以祝深情，只有別愁三萬斛。

前調

周邦彥

玉匳收起新妝了，鬢畔斜枝紅裊裊。
淺顰輕笑百般宜，試著春衫應更好。
裁金簇翠天機巧，不稱野人簪破帽。
滿頭聊作片時狂，頓減十年塵土貌。

前調

周邦彥

桃溪不作從容住，秋藕絕來無續處。當時相候赤欄橋，今日獨尋黃葉路。
煙中列岫青無數，鴈背斜陽紅欲暮。人如風後入江雲，情似雨餘黏地絮。

前調

周邦彥

郊原雨過金英秀，風埽霜威寒入裊。感君一曲斷腸歌，送我十分和淚酒。
古道塵清榆柳瘦，繫馬郵亭人散後。今宵燈盡酒醒時，可惜朱顏成皓首。

前調

王采

秋閨思入江南遠簾幙低垂閒不捲玉珂聲斷曉屏空
好夢驚回還起嬾風輕只覺香煙短陰重不知天地
晚隔牕人語退朝歸旋整宿妝勻睡臉

前調

王安中

秋鴻只向秦箏住終寄青樓書不去手因春夢有攜時
眼到花開無著處泥金小字蠻牋句翠袖紅裙今在
否欲尋巫峽舊時雲問取陽關西去路

前調

王安中

堯天雨露承新詔
珂馬風生趨急召
玉符曾將虎牙軍
金殿還陞龍尾道
征西鎮北功成早
仗鉞登壇今未老
尊前休更說燕然
且聽陽關三疊了

前調

見梅對雪

向子諲

記得江城春意動
兩行疎梅龍腦凍
佳人不用辟寒犀
踏雪穿花雲鬢重
真珠旋滴留人共
更熬沉香煖金鳳
只今梅雪可憐時
都是綠窗前日夢

前調

蔡伸

星河風露經年別月照離亭花似雪寶釵鸞鏡會重逢
花裏同眠今夜月月華依舊當時節細把離腸和淚
說人生只合鎮長圓休似月圓圓又缺

前調

晚雨集
客湖上

葉夢得

花殘却似春留戀幾日餘香吹酒面濕煙不隔柳條青
小雨池塘初有燕波光縱使明如練可奈落紅紛似
霰解將心事訴東風只有啼鶯千萬轉

前調

青墩
僧舍

陳與義

山人本合居巖嶺聊問支郎分半境殘年藜杖與綸巾
八尺庭中時弄影呼兒汲水添茶鼎甘勝吳山山下
井一甌清露一爐雲偏覺平生今日永

前調

春牛

趙長卿

江邨百六春強半拍拍池塘春水滿風團柳絮舞如狂
雨壓橘花香不散陰陰巷陌閨庭院小立危欄羞燕
燕不知何事未還鄉除却青春誰作伴

前調

康與之

青牋後約無憑據誤我碧桃花下語誰將消息問劉郎
悵望玉溪溪上路春來無限傷情緒擬欲題紅都寄
與東風吹落一庭花手把新愁無寫處

前調

侯寘

市橋燈火春星碎街鼓催歸人未醉半嗔還笑眼回波
欲去更留著斂翠歸來短燭餘紅淚月澹天高梅影
細北風休遣鴈南來斷送不成今夜睡

前調

中秋
閏月

侯寘

今秋仲月逢餘閏月姊重來風露靜未勞玉斧整蟾宮
又見冰輪浮桂影尋常經歲睽佳景閱月那知還賞
詠庾樓江闊碧天高遙想飛觴清夜永

前調

辛棄疾

人間反覆成陰雨鳬鴈江湖來又去十千一斗飲中仙
一百八盤天上路舊時楓落吳江句今日錦囊無著
處看封關外水雲侯剎按山中詩酒部

前調

戲賦
雲山

辛棄疾

何人半夜推山去四面浮雲猜是汝當時相對兩三峰
走遍溪頭無覓處西風瞥起雲橫度忽見東南天一
柱老僧拍手笑相誇且喜青山依舊住

前調

辛棄疾

瘦筇倦作登高去却把黃花相爾汝嶺頭拭目望龍山
更在雲煙遮斷處思量落帽人風度休說當年功紀
柱謝公直是愛東山畢竟東山留不住

前調

辛棄疾

風前欲勸春光住春在城南芳草路未隨流落水邊花
且作飄零泥上絮鏡中已有星星誤人不負春春自
負夢回人遠許多愁只在梨花風雨處

前調

隱湖
戲作

辛棄疾

客來底事逢迎晚竹裏鳴禽尋未見日高猶苦聖賢心
門外誰酣蠻觸戰多方為渴泉尋徧何日成陰松種
滿不辭長向水雲來只怕頻頻魚鳥倦

前調

奉祠西歸將
至仙人磯

辛棄疾

江頭一帶斜陽樹總是六朝人住處悠悠興廢不關心
惟有沙洲雙白鷺仙人磯下多風雨好卸征帆留不
住直須抖擻盡塵埃却趁新涼秋水去

前調

辛棄疾

狂歌擊碎邛醪釀欲舞還憐衫袖短心如溪上釣磯閒
身似道旁官堠嬾山中有酒提壺勸好語憐君堪鮓
飯至今有句落人間渭水秋風黃葉滿

前調

程垓

疎枝半作窺牕老，又是一年春意早。
風低小院得香遲，月傍女牆和影好。
去年苦被離情惱，今日逢花休草草。
後時花落盡從他，且趁先春撿醉倒。

前調

得書

程垓

別時已有重來願，誰料情多天不管。
分明咫尺是青樓，抵死濃雲遮得半。
寄聲只倚西風鴈，鴈答書回空是怨。
領愁歸去有誰知，水又茫茫山又斷。

前調

劉克莊

年年躍馬長安市客裏似家家似寄青錢換酒日無何
紅燭呼盧宵不寐易挑錦婦機中字難得玉人心下
事男兒西北有神州莫滴水西橋畔淚

前調

李石

轆轤轆轤門前井不道隔牕人睡醒柔絲無力玉琴寒
殘麝徹心金鴨冷一鶯啼破簾櫳靜紅日漸高花轉
影起來情緒寄遊絲飛絆翠翹風不定

前調

立春
日作

陸游

三年流落巴山道，破盡青衫塵滿帽。
身如西瀼渡頭雲，愁抵瞿塘關上草。
春盤春酒年年好，試戴銀幡判醉倒。
今朝一歲大家添，不是人間偏我老。

前調

劉圻父

今來古往長安道，歲歲榮枯原上草。
行人幾度到江濱，不覺身隨楓樹老。
蒲花易晚蘆花早，客裏光陰如過鳥。
一般垂柳短長亭，去路不如歸路好。

前調

東山探梅

劉鎮

泠泠水向橋東去漠漠雲歸溪上住疎風澹月有來時
流水行雲無覓處佳人獨立相思苦薄袖欺寒修竹
暮白頭空負雪邊春著意問春春不語

前調

嚴仁

春風只在西園畔薺菜花繁蝴蝶亂冰池晴綠照還空
香徑落紅吹已斷意長翻恨遊絲短盡日相思羅帶
緩寶匳如月不欺人明日歸來君試看

前調

毛幵

日長澹澹光風轉小尾黃蜂隨早燕行尋香逕不逢人
惟有落紅千萬片酒成憔悴花成怨閒煞羽觴難會
面可堪春事已無多新筍遮牆苔滿院

前調

郭應祥

匆匆相遇匆匆去恰似當初元未遇生憎黃土嶺頭塵
強學章臺街裏絮雨荒三徑雲迷路總是離人堪恨
處從今對酒與當歌空惹離情千萬緒

前調

高觀國

幾雙海燕來金屋香滿離宮三十六春風翦草碧纖纖
春雨浥花紅撲撲衛姬鄭女腰如束齊唱陽春新製
曲曲終移宴起笙歌花下晚寒生翠縠

前調

題畫海棠

高觀國

胭脂染出春風錦生怕黃昏人有恨雨難揩淚玉環嬌
煙不遮愁紅袖冷醉魂吹斷香魂靜拂拂翠眉羞帶
粉最憐新燕識風流只為春寒消瘦損

前調

高觀國

多時不踏章臺路
依舊東風芳草渡
鶯聲喚起水邊情
日影炙開花上霧
謝娘不信佳期誤
認得馬嘶迎繡
戶
今宵翠被不春寒
只恐香濃春又去

前調

高觀國

春煙澹澹生春水
曾記芳洲蘭棹
棧岼花香到舞衣邊
汀草色分歌扇底
棹沉雲出情千里
愁壓雙鴛飛不
起
十年春事十年心
怕說湔裙當日意

前調

社前
一日

史達祖

遊人等得春晴也處處旗亭咸繫馬雨前穠杏尚娉婷
風裏殘梅無顧藉 忌拈鍼指還逢社鬪草羸多裙欲
卸明朝新燕定歸來叮囑重簾休放下

前調

梨花

史達祖

玉容寂寞誰為主寒食心情愁幾許前身清淡似梅妝
遙夜依微留月住 香迷蝴蝶飛時路雪在秋千來往
處黃昏著了素衣裳深閉重門聽夜雨

前調

汪莘

一片江南春色晚牡丹花謝鶯聲嬾問君離恨幾多長
芳草連天猶覺短昨夜溪頭新溜滿尊前自起噴龍
管明朝飛棹下錢塘心共白蘋香不斷

前調

方千里

華堂銀燭堆紅淚解說離人多少意恨從別後更無窮
愁到窮時惟一味江南渭北三千里憔悴相思何日
已馬蹄清曉草黏天庭院黃昏花滿地

前調

方千里

溶溶水映娟娟秀淺約宮妝籠翠袖舞餘楊柳乍縈風
睡起海棠猶帶酒 憔悴蕭郎緣底瘦那日花前相見
後西牕疑是故人來費得羅箋詩幾首

前調

楊澤民

奇容壓盡羣芳秀枕臂濃香猶在袖自從草草為傳杯
但覺懨懨常病酒 堤上路長官柳瘦愁在月明霜落
後須知斗帳夜寒多早起西風迴鷁首

前調

吳文英

茸茸狸帽遮梅額。金蟬羅翦胡衫窄。垂肩爭看小腰身。
倦態強隨閒鼓笛。問稱家住城東陌。欲買千金應不
惜。歸來困頓殢春眠。猶夢婆娑斜趁拍。

前調

陳允平

東風躍馬長安道。一樹櫻桃花謝了。別來千里夢頻歸。
醉裏五更愁不到。江南兩岬無名草。雨過莓苔生嫩
葆。玉樓人遠六么閒。簾幙深沉雙燕老。

前調

陳允平

粉銷香減紅蘭淚總是文君初別意春風織就悶情懷
夜月砌成愁况味迢迢歸夢頻東里堪恨洛陽花漸
已斜陽日日自相思三十六陂芳草地

前調

陳允平

西園鬪結秋千了日漾游絲煙外裊小橋楊柳色初濃
別院海棠花正好粉牆低度鶯聲巧薄薄輕衫宜短
帽便揀日日醉芳菲未必春風留玉貌

前調

陳允平

柳絲挽得秋光住
腸斷驛亭離別處
斜陽一片水邊樓
紅葉滿天江上路
來鴻去鴈知何數
欲問歸期朝復暮
暮晚風亭院倚闌干
兩岼蘆花飛雪絮

前調

陳允平

長江浩渺山明秀
宛轉西風驚客袖
相逢纔繫柳邊舟
相別又傾花下酒
怪得新來詩骨瘦
都在秋娘相識後
一天明月照相思
蘆荻汀洲霜滿首

前調

石孝友

小桃破盡風前萼
草草年華閃過却
十分清瘦有誰知
一點相思無處著
書憑鴈字應難托
花與淚珠相對落
萬紅千翠儘春光
若比此情猶自薄

前調

石孝友

扁舟破浪鳴雙櫓
歲晚客心紛萬緒
香紅漠漠落梅邨
愁翠萋萋芳草渡
漢皋珮失誠相誤
楚峽雲歸無覓處
一天明月缺還圓
千里伴人來又去

前調 送別

石孝友

陽關聲裏催行色馬惜離羣人惜別入懷風月記銜杯
迎步溪山供散策陰飈斷渡江吹白晴壑吞雲天放
碧懸知詩興滿歸途三四野梅開的皪

前調

石孝友

尋春誤入桃源洞草草幽歡聊與共牢籠風月此時情
做造溪山今夜夢柳蹊未放金絲弄梅徑已經香雪
凍春愁離恨重於山不信馬兒駝得動

前調

周端臣

華堂簾幙飄香霧一搦楚腰輕束素翩躚舞態燕還驚
綽約妝容花盡妒尊前謾詠高唐賦巫峽雲深留不
住重來花畔倚闌干愁滿闌干無倚處

前調

聞笛

王武子

紅樓十二春寒側樓角何人吹玉笛天津橋上舊曾聽
三十六宮秋草碧昭華人去無消息江上青山空晚
色一聲落盡短亭花無數行人歸未得

前調

莫庵

綠楊芳徑鶯聲小
簾幙烘香桃杏曉
餘寒猶峭雨疎疎
好夢自驚人悄悄
憑君莫問愁多少
門外江流羅帶
繞直饒明日便相逢
已是一春問過了

前調

樓采

東風破曉寒成陣
曲鎖沉香簧語嫩
鳳釵敲枕玉聲圓
羅袖拂屏金縷褪
雲頭鴈影占來信
歌底睂尖紫淺
暈澹煙疎柳一簾春
細雨遙山千疊恨

前調

題鉛山
驛壁

無名氏

東風楊柳門前路畢竟雕鞍留不住柔情勝似嶺頭雲
別淚多於花上雨青樓畫幕無重數聽得樓邊車馬
去若將着黛染情深直到丹青難畫處

前調

芭蕉

僧揮

飛香漠漠簾幃暖一線水沉煙未斷紅樓西畔小闌干
盡日倚闌人已遠黃梅雨過芭蕉晚鳳尾翠搖雙葉
短舊年顏色舊年心留到如今春不管

前調

紅梅

宋媛

李清照

紅酥肯放瓊瑤碎探著南枝開徧未不知蘊藉幾多時
但見包藏無限意道人憔悴春牕底閒拍闌干愁不
倚要來小看便來休未必明朝風不起

前調

侑涪翁

宋妓

盼盼

少年看花雙鬢綠走馬章臺絃管逐而今老更惜花深
終日看花看不足坐中美女顏如玉為我同歌金縷
曲歸時壓得帽簷敝頭上春風紅簌簌

前調

宴河中瑞雪亭

馮延登

長原迤邐孤麋臥野色微茫河界破草縈繩屢綠雲深
花觸飛丸紅雨妥高亭初試煎茶火醉玉漸譁春滿
座行杯莫厭轉籌頻佳節等閒飛鳥過

前調

劉因

未開常探花開未又恐纔開風雨至花開風雨不相妨
為甚不來花下醉今年休作明年計明日已非今日
事春風欲勸座中人一片落紅當眼墜

前調

劉因

柳梢綠小梅如印乍暖還寒猶未定惜花長是為花愁
殢酒却嫌添酒病蠅頭蝸角都休競萬古豪華同一
盡東君曉夜促歸期三十六番花遞信

前調

劉因

西山不似龐公傲城府有樓山便到欲將華髮染晴嵐
千里青青濃可埽人言華髮因愁早勸我消愁惟酒
好夜來一飲盡千鍾今日醒來依舊老

前調

劉因

錦雲十里川妃共一棹晚涼風歛送只愁無處著清香
滿載月明船已重冰壺水鑑元空洞天意似嫌紅翠
擁攬教風露入銀尊不惜秋光渾減動

前調

劉景翔

可憐又誤江南景雨膩風喧愁入暝依稀碧玉水邊魂
憔悴綠珠樓外影點點隨人飛遠近薄倖相逢情怎
忍年年三月化香塵天上人間看夢醒

前調

劉基

江城雨熟黃梅後樓閣青高虛永晝階前玉露寶珠呈
葉底夜蟬金石奏蒼苔不覺殘紅覆匝徑沿牆欺組
綬老來於物總忘情漫為青山開北牖

前調

駱文盛

風雨夜來驚枕上春寒曉入梅花帳下牀日午未梳頭
坐看南溪新水漲一尊誰與移新釀匆匆慰我花間
望清歌時對碧山傾谷口閒雲恁無恙

前調

秋夜聞吹
簫次韻

吳子孝

芳筵初奉千金壽妙舞高歌都未有飛仙却送玉簫聲
如君宜坐相如右 銀蟾光映松杉秀萬頃玻瓈雲不
厚名山佳客兩相遭知音况遇調元手

前調

陽山
題壁

吳子孝

憐春常恐春歸去剛到清明花似霧青山處處可尋春
况對山光湖影聚 幾宵雨細泥沾絮十里月明鴉滿
樹美人傾蓋即知心銀燭金杯休記數

前調

楊慎

小寒倦倚相思枕
絲雨織愁愁欲稔
綠楊橋畔見誰家
油壁香車迎阿沈
莫教錯送迴文錦
密地重將青鳥審
流鶯庭戶嫩涼天
月許再圓花再品

前調

燕來

王錫爵

簷鈴忽報新賓拜
千里烏衣知己憊
畫簾低掠語聲輕
一種風流還自賣
依舊香巢無敢壞
花底迎遲君莫怪
清明時節雨風多
珍重梁間休出外

前調

沈自炳

盼定玉郎離別處空剩紫騮芳草路年年同嫁與東風
只有小樓紅杏樹愁病恹恹魂欲去一霎芭蕉寒響
聚空嗟薄命玉容人值得數聲秋夜雨

前調

晚春中
橋看月

明媛

郭璠

花飛錦帶春波簇殘月流輝明水澹萬珠的皪照新妝
故向嫦娥纖手摘柳線牽煙輕重綠漁燈高下鴛鴦
宿無情花柳送春歸不管離人腸斷續

前調

又一體夜
起避暑

孟景

冰肌玉骨清無汗水殿風來暗香滿繡簾一點月窺人
敲枕釵橫雲鬢亂起來瓊戶悄無聲時見疎星渡河
漢屈指西風幾時來只恐流年暗中換

前調

又一體

溫庭筠

家臨長信往來道乳燕雙雙掠煙草油壁車輕金犢肥
流蘇帳曉春雞早籠中嬌鳥暖猶睡簾外落花閒不
埽衰桃一樹近前池似惜紅顏鏡中老

前調

顧夔

月照玉樓春漏促颯颯風搖庭砌竹夢驚鴛被覺來時
何處管絃聲斷續惆悵少年遊冶去枕上兩蛾攢細
綠曉鶯簾外語花枝背帳猶殘紅蠟燭

前調

顧 夔

柳映玉樓春日晚雨細風輕煙草軟畫堂鸚鵡語雕籠
金粉小屏猶半掩香滅繡幃人寂寂倚檻無言愁思
遠恨郎何處縱疎狂長使含啼看不展

前調

又一體

牛 嶠

春入橫塘搖淺浪花落小園空惆悵此情誰信為狂夫
恨翠愁紅流枕上小玉牕前嗔燕語紅淚滴穿金線
縷鴈歸不見報郎歸織成錦字封過與

瑞鷓鴣

雙調五十六字一名舞春風一名鷓鴣詞通首皆
平韻與七言近體詩無異若用仄韻即係玉樓春
木蘭花調也

瑞鷓鴣

馮延巳

嚴妝纔罷怨春風粉牆畫壁宋家東蕙蘭有恨枝猶綠

桃李無言花自紅
燕燕巢時羅幕卷
鶯鶯啼處鳳臺空
少年薄倖知何處
每夜歸來春夢中

前調

歐陽修

楚王臺上一神仙
眼色相看意不傳
見了又休還似夢
坐來雖近遠如天
隴禽有恨猶能說
江月無情也解圓
更被春風送惆悵
落花飛絮兩翩翩

前調

觀潮

蘇軾

碧山影裏小紅旗
儂是江南踏浪兒
拍手欲嘲山簡醉

齊聲爭唱浪婆詞
西興渡口帆初落
漁浦山頭日未
敲儂欲送潮歌底曲
尊前還唱使君詩

前調

賀鑄

月痕依約到西廂
曾羨花枝拂短牆
初未識愁那得淚
每渾疑夢奈餘香
歌逢嫺處睂先嫵
酒半酣時眼更
狂
閒倚繡簾吹柳絮
問人何似冶遊郎

前調

杜安世

夜來風雨損餘芳
數片衰紅落檻傍
媚景背人容易去

半軒飛絮日空長
從來不信相思切及至如今信感
傷獨立黃昏繡簾外可堪新月露圓光

前調送別

葛勝仲

兩年人住豈無情別乘辭華似水清何事千鍾勤飲餞
故知一別未能輕解龜雖韋樊籠出挂席還愁海汐
平江草江花都是淚驪駒休作斷腸聲

前調

趙師俠

榴花五月眼邊明角簾流冰午夢清江上扁舟停畫檣

雲間一笑濯塵纓
主人杯酒流連意
倦客關河去住
情都付郵亭
今日水伴人東去
到江城

前調

張元幹

雛鶯初轉鬬尖新
雙蕊花嬌掌上
身總解滿斟
偏勸客
多生俱是綺羅人
回波偷顧輕招拍
方響低敲更合
簫葢菟梢頭
春欲透
情知巫峽待為雲

前調

張元幹

香佩潛分紫繡囊
野塘波急折鴛鴦
春風灞岸空回首

落日西陵更斷腸
雪下哦詩憐謝女
花間為令勝潘郎
從今千里同明月
再約圓時拜夜香

前調

侯寘

遙天拍水共空明
玉鏡開匳特地晴
極目秋容無限好
舉頭醉眼暫須醒
白着公子催行急
碧落仙人著句清
後夜蕭蕭葦岸一
尊獨酌見離情

前調

京口懷山中故人

辛棄疾

暮年不賦短長詞
和得淵明數首詩
君自不歸歸甚易

今猶未足足何時
偷閒定向山中老
此意須教鶴輩
知聞道只今秋水
上故人曾榜北山
移

前調

瑞香

程垓

東風冷落舊梅臺
猶喜山花拂面開
紺色染衣春意淨
水沉熏骨晚風來
柔條不學丁香結
矮樹仍參茉莉
栽安得方盆載
幽植道人隨處作
香材

前調

程垓

門前楊柳綠成陰
翠塢籠香徑自深
遲日煖熏芳草眼

好風輕撼落花心 無多春恨鶯難語
最晚朝眠蝶易尋 惟有狂醒不相貸
釀成憔悴到如今

前調

詠落梅

尤袤

清溪西畔小橋東 落月紛紛水映空
五夜客愁花片裏 一年春事雨聲中
歌殘玉樹人何在 舞破山香曲未終
却憶孤山醉歸路 馬蹄香雪襯東風

前調

逆旅除夜大雨

盧炳

客裏驚嗟又歲除 蕭蕭寒雨滴茆廬
山深溪轉泉聲碎

夜永風搖燭影孤
冷甚只多燒木葉
詩成無處寫桃符
強酬節物聊清酌
今歲屠蘇自取疎

前調

郭從範

傾城一笑得人留
舞罷嬌娥歛黛愁
明月寶鑷金絡背
翠瓊花珥碧搔頭
晴雲片雪腰肢嫋
晚吹微波眼色秋
清露亭皋芳草綠
輕綃軟掛玉簾鉤

前調

歌妓人
空門

陳彭年

畫出花鈿三寶津
雲鬟初翦向殘春
因驚風燭難留世

遂作池蓮不染身

貝葉乍翻疑錦軸梵聲纔學誤梁

塵從茲豔質歸空後湘浦應無解珮人

前調

詹正

背人西去一鶯啼拍手還驚百舌飛淺雨微寒春有思
宿妝殘酒欲恹詩 鷓鴣浪起蒲茸暖翡翠風來柳絮
低故遣蒼頭尋杏子凭肩小語只心知

前調

詹正

東洲遊伴寄蘭茗人日晴時不用招微雨來看楊柳色

故人相遇浴龍橋
愁如春水年年長
老共東風日日
消幾欲作牋無可寄
雙魚猶自等歸潮

前調

京師妓

昔時曾侍漢梁王
濯錦江邊醉幾場
拂石坐來衫袖冷
踏花歸去馬蹄香
當初酒釀寧辭醉
今日愁懷不易
當暗想舊遊渾似夢
芙蓉城下水茫茫

前調

楊慎

垂楊垂柳管芳年
飛絮飛花媚遠天
金繭抱春寒食後

玉蛾翻雪暖風前
別離河上還江上
拋擲橋邊共路
邊遊子魂消青塞月
美人腸斷碧樓煙

前調

湖上元

卓人月

城中火樹落金錢
城外湖波起碧煙
夜夜夜深歌子夜
年年年節度丁年
琉璃一段湖稱聖
琥珀千鍾酒號
賢自分嬾追兒女隊
玉梅花下拾花鈿

御選歷代詩餘卷三十二